

瑞昌縣志卷之五

學校志

學校所以明人倫育俊彥崇宮墻隆祀典闡明聖道報功德於無窮也我

明最吏治者率以興學校爲首務按春秋重民力凡所興作必書至於僖公脩泮宮削而不書者謂學校以教國之子弟義不容緩也噫學校隆替世道之治忽繫焉泮宮作而采芹之頌興君子其慎之

瑞昌縣志

卷之五

一

儒學

學在縣西三十步許宋慶曆間建於灤溪之傍嘉泰三年知縣洪鈞偲改建於縣治之西教授朱質記之元至順四年郡首陳元愷達魯花赤亦刺馬丹重修領學事呂光發記之元末燬於兵

本朝洪武四年知縣黃顏建洪武十五年知縣劉從正統七年知縣劉仁宅弘治五年知縣朱廷宗各重脩弘治十六年巡視都御史牀公俊及僉憲

沈公銳按臨以舊學臨市囂隘議遷之得舊學
基於縣治右少後百步許於是提學邵公寶檄
本府知府高友璣委推官汪濬知縣王顯宗董
其事弘治十八年學成凡所脩學詳見學記正
德二年知縣黃源大來任覽記之所載有未脩
者如泮池垣墻道路之類悉皆完繕於記所不
載者如龕器皿饌堂射圃牌坊之屬率皆新置
嘉靖九年巡撫傅公鳳翔按學復病其逆而左
議徙諸臨市迺景泰之舊址也知縣江涯調度

以代其終廟廡廡舍共六十楹乃抵厥成門之
前舊有賢路因學遷城北賢路貿於居民後本
學生員具呈巡按魏公謙吉允其議令縣贖復
嘉靖三十三年本府推官潘公季馴署篆視廟
廡廡舍圯甚乃捐貲修飭建啓聖祠并肄舍十
楹神厨一所詳見脩學記今復圯壞嘉靖四十
四年知縣劉儲重脩四十五年文廟瓦椽飄損
復捐俸重葺并新龕室祭器具載郡守汪公如

海脩學記

廟制

先師廟一座中龕室四配十哲并兩廡亦各龕室木主
先師廟五間

東廡五間 西廡五間 戟門七間

櫺星門三間 泮池在櫺星門內

啓聖祠一座在明倫堂左推官潘公季馴建狹隘且圯

嘉靖丙寅知縣劉儲鼎建三間龕室俱新造

學制

明倫堂在聖殿後

瑞昌縣志

卷之五

三

東西齋各二間東扁曰進德西扁曰脩業

門三座在明倫堂前

二門一座扁曰道義之門

頭門一座扁曰儒學

敬一亭一產在啓聖祠前

教諭署在明倫堂後

訓導署二在明倫堂石

號房十間在啓聖祠之右序

射圃一所在尊經閣後今廢

尊經閣去儒學東二十步許嘉靖二年僉事林大輅創歲久傾圮今廢

祭器

錫爵壹百貳拾箇

錫燭臺壹對重■斤

錫碗伍箇

錫香爐花瓶燭臺伍件重壹拾捌斤

新錫香爐花瓶燭臺伍件重壹拾叁斤

鐵香爐貳箇

新鐵香爐大小壹拾貳箇共重壹百玖拾貳斤

鐵小鍾壹口

鐵鍋壹口

磁器淨瓶貳箇

大花磁器酒罇壹箇

處州青磁器酒罇肆箇有蓋

處州青香爐肆箇

黃幔貳幅

木櫃壹隻盛祭器

大豆伍箇

籩豆叁百貳拾箇

新籩豆叁百肆箇

簠叁拾陸箇
簠叁拾陸箇

新簠叁拾捌箇

木箱磁噐盛黍稷稻梁拾伍

帛匣九件

紅漆盤柒箇

燭架叁件

新漆木燭臺玖拾

新造大祭噐櫺壹口

碑刻

御製卧碑

御製敬一箴碑

御註四箴碑

宋脩本縣儒學記
教授朱質撰

元重脩本縣儒學記
領學事呂光發撰

國朝新遷本縣儒學記
提學副使邵寶撰

遷瑞昌儒學記

翰林庶吉士王廷陳撰

瑞昌縣儒學脩記

戶部員外牀愛民撰

重修本縣儒學記

知府汪如海撰

鄉貢進士題名記

歲貢題名記

瑞昌縣新城記

兵部尚書張鏊撰

新城去思記

邑人陳良顯撰

書籍

四書大全二十本 缺一本

易經大全十一本

瑞昌縣志

卷之五

六

書經大全九本 缺一本

詩經大全十二本

春秋大全十八本

禮記大全十八本 缺一本

性理大全二十八本 缺一本

孝順為善陰隲共四本

勸善書一十七本

五倫書六十二本

前漢書三十一本

後漢書二十八本 缺一本

三國志二十本 缺三本

魏書三十八本 缺一本

晉書三十八本 缺三本

宋書三十本

南齊書一十四本

北齊書一本

梁書一十二本

陳書八本

隋書二十本

唐書六十本 缺一本

周書一十二本

五代史一十二本

宋史一百一十二本 缺二本 金史三十四本

遼史一十六本 元史五十本

南史二十本 北史三十本

史記二十八本 缺一本 通鑑綱目二十本

鄉飲紙圖一軸 舊書櫥一隻

新書櫥一隻

學地

瑞昌縣志

卷之五

七

學本宋慶曆舊址深廣丈尺俱見宋學記後隙地乃文廟與射圃故基東抵朱家園西抵鄧家地南抵官街北以學舊塹為界嘉靖四十一年始賃與民居本學收租公用如遇遷改以聽本學拆徙四十五年知縣劉儲准鄒勝祖呈價買民梅勝龍地闊五尺為路直通北門櫺星門前賢路直通河廣一丈八尺係本縣呈復

學田

嘉靖三十九年奉九江兵備陶發來犯人楊

仲仁原頂逃軍鄭繼兒外祖袁壇保戶內民田
土名鄭家壠水田叁畝貳分陸地壹拾肆畝肆
分又陸地叁畝陸分茶地拾畝山貳拾伍畝桑
地肆分又湖陸畝每年共納學租銀貳兩壹錢
該縣申請提學何 批允隆慶元年知縣劉儲
捐俸贖買 田壹拾 畝教諭謝顧編名一戶
劉志學申請督學徐

秩祀志

按祭法凡有功德於民者例得歲祀瑞之祀唯城隍社稷風雲雷雨山川邑厲諸壇名宦鄉賢三賢諸祠鮮非族矣明禋秩祀弗淫弗黷斯盖祭之義乎

城隍廟

廟在興教坊右去縣西一百步許洪武八年知縣李鳳建成化十八年知縣傅思勉重建陰陽官程敬耆民曹鳳羽鄧瑀潘鏐董其事正德八

年知縣黃源大重修東西砌以磚墻深一十五丈嘉靖十二年署印推官黃麒飭治之嘉靖四十年知縣華士迥改建二門一座前門一座嘉靖四十二年知縣駱秉韶重脩門之前大街通河係西山寺地易去廣
許春秋仲月合祭於風雲雷雨山川壇清明中元十月朔主祭於邑厲壇新官到任則以特牲告廟

壇壝

社稷壇在邑西北一里許宋嘉泰間知縣洪鈞偲

立于白龍橋之左

本朝洪武二年知縣黃顏因舊基水泛滄沒遷今所去
舊三十餘步東西廣
丈南北袤
丈每歲以春秋上戊致祭

祭儀

豕二 羊二 帛二 菓核 俎醢 黍稷

香燭

風雲雷雨山川壇在縣南一里許知縣洪鈞偲立
于小南街之西

瑞昌縣志

卷之五

十

本朝洪武二年知縣黃顏重修正德七年知縣黃源大
築城以舊墟迫民居穢濁褻嫚遷今地東西廣
丈南北袤
丈地漥下水溢則不
可祀水落則羊豕多踐其中隆慶元年知縣劉
儲重修四圍植竹木南立門啓閉上扁曰山山
壇

祭儀

豕三 羊三 帛七 菓核 俎醢 黍稷

香燭

邑厲壇在望仙橋東去縣一里許洪武三年知縣黃顏建有祭文碑東西廣

文南北袤

丈

祭儀

豕三 羊三 酒飯 菓核 燒紙 香燭

舊鄉厲壇每里一百戶內立壇一所祭無祀鬼

神每歲三祭與邑厲同用牲酒祭畢會飲

舊厲壇十三處

夫厲壇春秋祭祀所以警策生民惠澤鬼神盛典也今唯邑中

者存之鄉厲壇既不設而祭章不讀負盛典多矣

瑞昌縣志

卷之五

十一

一在市厲壇在白龍橋黃荆林

一金城鄉一畝厲壇在黃砂岫

一金城鄉二畝厲壇在戚家林

一安泰鄉厲壇在桂林橋

一甘露鄉厲壇在旛竿嘴

一歸義鄉一畝厲壇在大讓坂

一歸義鄉二畝厲壇在土灣

一清湓鄉一畝厲壇在下庄坂

一清湓鄉二畝厲壇在下庄坂

一王仙鄉厲壇在大湖坂

一洪陽下鄉厲壇在漆家坂

一洪陽上鄉一畝厲壇在雙港

一洪陽上鄉二畝厲壇在建坪坂

以上厲壇俱廢基存

舊社壇二十五處

一鄉社壇每里一百戶內立壇所祀五土五穀之神祭畢

令會中一人讀抑強扶弱之誓讀畢長幼以次就坐飲誓詞曰凡我同里之人各守禮法毋恃

力凌弱違者不治之然後呈縣或扼于貧甚賑

之三年不立不使與會其冠婚喪各量力資助

犯姦盜詐偽者不許入會觀此則社壇之設所以申明聖訓講讀律令使人知和隣睦族之義

瑞昌縣志

卷之五

十二

也今各鄉社壇既廢而律今不彰愚民已乏聞見而悖逆爭鬪之禍熾矣豈

聖朝教養生民之意哉

在市里社壇一所在黃荆林

名瑞興社

金城鄉一畝社壇一所在山村坂

名山村社

一所在吳塘坂

名吳塘社

金城鄉二畝社壇一所在河塘坂

名河塘社

一所在馬頭坂

名馬頭社

安泰鄉社壇一所在小場坂

名黎埠社

一所在天山下

名黎埠東社

甘露鄉

社壇一所在雙下橋

名城門社

一所在大林埠

名梅溪社

歸義鄉一畝社壇一所在水陸坂

名水陸社

一所在陡岡坂

名北團社

歸義鄉二畝社壇一所在高豐坂

名常樂社

一所在烏石街

名高豐社

清溢鄉一畝社壇一所在良田坂

名良田社

一所在西京坂

名新澤社

清溢鄉二畝社壇一所在塘頭坂

名義興社

一所在吳塘坂

名吳塘社

王仙鄉

社壇一所在南灣

名甘口社

一所在章坊

名客官社

洪陽下鄉

社壇一所在北庄坂

名清團社

一所在柯落原

名柯原社

洪陽上鄉一畝社壇一所在新田坂

名南團社

一所在

洪陽上鄉二畝社壇一所在雙港坂

名上溪社

一所在井頭坂

名蛟溪社

以上社壇俱廢基存

名宦鄉賢祠

名宦鄉賢舊無祠嘉靖三十五年本府推官范永宇申請建立縣西北二祠相聯二間頭門一座二門一座名宦自宋洪鈞偲至孫復劉仁宅朱廷宗陳旒曹廣王栢黃源大凡八人鄉賢自元結至劉仁欽周璟孫逢吉陳邦儀凡五人嘉靖四十三年知縣駱秉韶拓為七間中扁曰風教堂左右各三間題以扁俾各全其尊焉

祭品

豕各一 羊各一 菓七 帛

名宦祭文

於維名宦諸公車轍所至惠澤斯流業因位究道與時脩士景其範民承其休纏思世世載祀春秋儀刑具在敬以仰酬

鄉賢祭文

於維鄉賢諸公實誕是邦文章氣節國士頡頏生爲賢哲沒祀于鄉高風無斲歲祀有常神其

歆止賚我羹墻

三賢祠

二賢祠在蒼城墩去縣南一里許宋縣令洪均
偲以次山家灤溪東坡謫黃州經此慕其賢因
祠祀之嘉靖四十二年知縣駱秉韶閱志見宋
王梅溪十朋過此亦有詩其賢不讓二公申請
提學何 改爲三賢祠

祭品

豕一 羊一 菓 帛

附民祀神廟

東嶽廟 東山寺之左

楊東山祠 山在縣南一里

顯濟廟 在安太鄉去

白楊廟 在甘露鄉十五里